

樂善堂全集

子孫永保
藏書記
堂家

和16
231
11



和
231
卷 11

樂善堂全集定本卷之二十六

今體詩

石鼓

橋門森矗兩蒼松翠護雕鐫舞鳳龍漫說晉
臣精博物難稽周帝耀軍容銅駝已見藏荆
棘石鼓依然鎮辟雍百里聲聞今試扣太平
留此溯遐蹤

聞軍營大捷誌喜

旭日揚輝氛沴消光天雨露九瀛朝行間效



命票姚霍斗畔推車相國蕭沙漠忽聞收戰
馬泮林竹見集飛鴉勒功一片留何處更過
燕山萬里遙

蠢爾西夷敢跳梁凶殘肆取武維揚淮山無
騎聞清鶴大漠千師掃駭狼破竹功成歸有
日采薇歌作歲云陽從茲德水清無外天際
長懸日月光

轅門鼓角萬軍鳴執訊連連繫大營日照三
山光四壘風迴千隊動雙旌已聞魚海全銷
燧更看天河淨洗兵最是王師征不戰金甌
永固萬方清

閩外專征將帥雄幾年區畫塵
宸衷欣看寇盡窮荒吐可卜兵歸漠苑東萬
里露章初奏凱千年麟閣定論功賡颺誌喜
葵忱切咸五登三祝
聖躬

景陵寶城山上產石芝一本彩芝四本恭紀

二律

瑶光星耀麗重霄瑞產芝英玉露調最是顯
承通有赫可知陟降本於昭日暄四本恭
寶頂金幢粲風拂

明樓玉節飄千載嘉祥綿國祚由来虞舜繼

唐堯

扶輿積氣炳貞符芝蓋續紛護
鼎湖上瑞兩逢得未有靈根五本自来無光
天雨露謳歌切大地思波浩蕩濡總是覲揚
同一揆休徵草木慶昌圖王四本

賜哈密瓜恭紀

玉琯灰飛候璇璣斗紀辰陽從一氣轉
思自九重新異品遐陬至名瓜
賜賚頻分餐消永夜獨喜沁清神霜刃絲絲
剖冰艸片片陳青門應讓羨朱火漫誇珍堆
處盤添冷嘗來齒漱津中宵詩思潤轉盼是
三春

恭和

御製冬至齋宮詩二章原韻

五雲糾縵護齋宮晴旭纔升暖綺櫳氣轉初
陽迴玉律天開子月應祥風百昌新慶昭蘇
景萬彙均沾橐籥功可識泰裡綿福履
一人誠敬早潛通
日朗瑤宮瑞色新履長納慶協芳辰精裡共
識
皇心恪齋宿羣瞻
聖敬純和氣初融丹禁曉葭灰乍動玉衡春
宸居此際乾乾意為懇

蒼穹佑兆民

再擬冬至齋宮三首

瑞靄氤氳滿太清九華高曜鳳墀明齋宮晝
靜爐烟直廣殿風和梅蕊生氣復一陽璇象
轉福凝五位泰階平春回大地鴻鈞普始識
天心饗

聖誠

亞歲芳辰景福臻歡聲陌上

九重聞瑄中鼓動迴元氣臺上豐亨兆五雲

金闕祥光浮雉尾玉爐斜篆裊煙紋賡歌拜
手葵忱切長仰經天日月文

帝御齋宮敬且莊

泰壇寅祀亞初陽斗邊看日方移晷谷口占
風又協祥郵治平成過夏后

聖躬雍肅邁周王至誠已自通天
天祝

萬壽應知卜算長

橘

朱橘團團嶺海濱年來包貢遠通閩玉盤盛
得珊瑚色為識江南霜信頻
離離不讓洞庭南玉液瓊漿珠顆會未免一
籌輸土物春前進到九頭柑

凍雲凝雪

出岫雲風凍飛空雪霰凝漫天寒欲逼大地
氣難騰浙瀝朝逾密氤氳日始升地爐熏不
暖梅谷踏何曾過屋馳蒼狗敲簷落細冰誰
能分白黑乍不辨村塍列嶂眉如洗平湖鏡

似菱陽和期尚遠感發候相仍錦繡簾重護
玻璃窓暫凭喜看三白瑞預卜九秋登

冬早聞雀聲

幾日晨窓鳥亂鳴似來報曉最關情霜凝凍
翅看雙落冷逼寒喉辨數聲乍似庭中吹急
管忽思春杪聽遷鶯想伊預識陽和近為見
南枝梅蕊生

恭讀

御製丁未長至日詩敬依原韻

鴻鈞氣轉中黃鐘六出飄飄喜應農臺上雲
霞看紀瑞天中顓頊正司冬陽迎葭管方萌
動禮薦蕭馨倍祗庸知是履端逢景運太平
天子福重重

村墟夜春

霜落園林時屆冬稻梁全獲罷三農田家作
苦無休息更聽村墟半夜春
萬籟全收夜已分寒春聲急隔窓聞高齋識
得豐年景篆裊爐香獨自焚

冬日寄蔡聞之先生

一綫陽迴節近春先生獨卧病兼貧釜漂白水薪為桂簾捲寒風雪作銀未識命車期幾日已經伏枕過三旬藥爐靜對無餘事應有新詩付錦鱗

書齋十載接輝光屈指睽違一月長試問鑪錘何忽忽可知歲月亦堂堂腰圍定減冬前帶髮際應添鏡裏霜佇待春風重坐卧新知舊學總商量

詩思

詩思竟如何都於靜後多繭絲抽更細春水皺生波得意全由此忘言亦任他古人多達者誰是破詩魔

奉和二十一叔父用蟬聯體賦得松風

雪月天花竹鶴雲煙詩酒春池兩山

僧道柳泉原韻

右二十字宋太宗試進士趙昌國題也叔父取以自詠創為蟬聯體屬予

和之予愧非所習勉強奉和觀者得
毋以效顰笑耶

龍鱗含秀色偃蓋欲擎空不畏嚴霜偏偏宜
細雨濛貞堅有本性瀟灑與誰同天籟還堪
聽笙簫愧下風

浴日紀堯淵生雲傳禹穴何如孟婆風冷然
亦可悅飄飄散幽襟裊裊起蘋末莫漫向春
園吹攬梨花雪

千山瓊瑤堆萬樹青葱沒砌面足虎鹽波心
冷石髮凍鴉叫不已樵客歌獨歇誰與把筆
人猿吟對寒月

良宵值三五皓魄正高懸海上初籠樹空中
恰印川征人榆塞外才子綺樓前對景情偏
別盈虧欲問天

蒼蒼標正色浩浩遠無涯氣結山河秀光分
日月華問曾傳正則補欲憶皇媯聞說空桑
法曼陀更雨花

薜荔繚為墻芙蓉蓋成屋人疑是仙源客來

探丹谷凌晨採春蘭
裊露掇秋菊為恐腳踏
殘短欄縛湘竹

幽篁令人遠隔亭
看約畧檀欒清影圓
森疎餘粉落冒露振
青竿韻風鳴紫籜伶
倫十二管吹集雲中
鶴

振翻盤霄漢清標迥
不羣九臯空外響
午夜月中聞緱嶠隨
王子瀛洲駕太君千
年遼海上鄉里隔浮
雲

因風勢欲牽出岫轉
悠然乍可同蒼狗猶
然

陰一蟬梳空紋似浪
映日白於棉樓上分
明看還疑谷口煙

野燒致偏竒停車一
望之初從山脚起俄
向樹頭披最是村郊
裏愛看濃淡時右丞
雲水幅佳景妙於詩

終朝靜裏吟聊試拈
毫手即景自怡悅裁
句覓對偶但期合古
人未許甜俗口不學
李青蓮百篇酣斗酒

甕裏香醪熟盃中湛
露新麴紅傳綺席蟻
綠

獻佳辰錫嘏尊三爵言歡歷再巡兕觥方上
壽天子萬年春

麗日烘窓暖條風拂面宜愛看民析候更值
物華時鳥語呼名急花嬌放朶遲寒氷已解
凍料可泛前池

夾鏡抱花源曲欄圍瓊戶凌曉遠浮烟俯波
倒映樹水心舟響檝岸上人接武最愛夜深
時隔窓聽點雨

霏微迷遠近徙倚小亭間樹潤蒼龍甲花明
織錦斑塵氛歸闕寂澗水落潺湲更向天邊
望珠簾隔萬山

列嶂碧峻嶒乘間一眺登峰青高旋髻泉迸
遠拖縉誰識丹梯路羣觀白玉枝飛來小鷺
嶺會遇淨名僧

招提構靈境滿樹蟬聲噪中有老尊宿拈芳
坐深窈鐘魚共朝昏物外恣尋討却笑紅塵
客勞勞洛陽道

人歌行路難誰肯葺門守學士錦輪飛將軍

鐵馬走終日逐紅塵為客成白叟何為祖離
亭更復折楊柳

灞岸千條色章臺萬縷煙待看飛絮日正值
暮春天搖綠樓新燕成陰噪晚蟬最憐橫古
渡漁父釣清泉

滴瀝復琤琮幽人詩料供尋源迷半嶺擘峽
走雙龍入眼心方潔烹茶興更濃瓦盆聲叩
罷翹首望高松

立春前五日以詩代書問蔡先生病

早起披衣喚小僮新裁柔翰走詩筒問師冷
日連遭景憶我春風坐卧中最是能安天與
命况於所遇病非窮寄詩正值韶華近可與
宜春帖子同

臘月十九日立春

氣轉鴻鈞萬物新寶幡綵勝總宜人韶光破
臘都逢霽玉歷週年兩立春暗數元正纔幾
日須知殘歲只餘旬朝來喜啜盤中餅明庶
風飄送暖頻

玉河水泮

靄靄春歸帝里新
玉河解凍泛清淪
東風細拂紋如縠
暖日晴搖色似銀
隄上愛看初綠柳
汀邊凝望未生蘋
朝來添得流澌擁
還恐遊波礙錦鱗

玉河春柳

春柳碧如煙
春流宛轉沿低垂
金鏡畔斜拂玉橋邊
眉細波中畫腰輕
風裏旋章臺千萬
樹羨爾沐恩先

探春花

寶粟堆枝翠葉飄
年年長自報青韶
隱辭殘臘偕梅蕊
逗漏陽和先柳條
無事冶容爭麗景
別餘芳氣散疏寮
庭前試問春來未
坐對方知春信饒

牡丹芽

消息東皇淑氣調
嫩芽新發鼠姑梢
芳菲已許詩人賦
麗艷猶遲畫筆描
風信頻吹還未綻
露華暗潤不須澆
莫驚禿兀看來熟
幾日

樂善堂全集定本 卷二十六
如霞映綺寮

奉和二十一叔父癸丑元日早朝原韻
昭蘇萬物樂春臺初日天門曉景催雉尾風
搖雲影動龍鱗色煥曙光開蓼蕭禮異周詩
咏湛露
思從漢殿來深喜圭璋成特達
恩從漢殿來深喜圭璋成特達
追陪

花信風

欲識春來處先看花信風未搖枝上綠已綻
蕊頭紅長養元功普吹噓大造同何須催羯
鼓列繡杏園東

雍正癸丑二月七日

經筵恭紀

風光駘宕鼓春和講幄宏張俊彥羅稽古直
探謨典秘談經遠邁漢唐多爐烟裊裊香凝
座鶴列珊珊響振珂羣仰
九重敷化雨從知大地沐恩波

二月八日隨

皇父駕幸圓明園恭紀五首

金輿赤羽鳳城隈上苑

宸遊向日開最是東皇偏有信都於此日送
春來

和風披拂物華妍細泛松篁勝管絃綠野陰
濃供勝覽紫駟一路不須鞭

韶光先已到

楓宸芳籞迎陽景倍新

聖德體元七字裏

是日御聯有節屆仲春欣長養之句

由來化

育即

皇仁

柳隄冉冉纔舒綠桃塢菲菲已吐紅從識
御園春信早不關二十四番風

平湖解凍泛龍舸打槳中流一字過謾憶荷
塘紅十里且看春漲綠千波

千里鏡

誰歟巧製過工倂玩景何須出綺帷視遠惟
明元在我鑑空無礙却憑伊光如水月初圓

際了若湖山盡歷時聞道離朱能燭眇還疑
千里未曾窺

清明奉

命恭祭

景陵感成八韵

猶憶髫齡際趨承

御案前可憐逾廿載瞻拜

鼎湖邊錫類

皇仁切蠲辰孝享虔應期春二月奉

命九重天晴旭輝征袖和風拂錦韉松榆深

石路殿宇鎖雲煙盛禮陳今日

深恩隔往年孫枝思

祖德回首淚潛然

憇憇雲寺

曉跨征鞍日漸斜暫教小憇梵王家雲深古
殿苔衣潤風入高松天籟譁語僕且閒從繫
馬問僧何事亂鳴鴉比來塵境都消盡不用
曼陀更雨花

漁陽

漁陽古名郡沃野遍桑麻士俗能知禮民風
喜不吝長途來百里懷古憶三過恰值清明
日迎神晚出衙州民以清明日鼓吹迎城隍
神謂之出巡

盤山

盤山山色翠空濛我欲登遊霧半封寄語山
靈還訂約他時擬上最高峯

草色

次第和風日日殊裙腰嫩合翠勻鋪羊眠大
地春方半點綴寒村景不孤撩眼畫圖分別
墅惹人詩思滿歸途凌晨却欲遲征馬恐踏
芳郊破露珠

春社

社日憑誰報梁頭燕語新纔看如畫景已是
可憐春風軟遊絲重晴烘花氣醇賽神村鼓
響酣舞太平人

賦得獨倚修篁看鶴籠

萬竿寒雨鎖寒烟瑞鶴籠來不計年漫憶松

梢餐玉露且從竹外飲秋泉風霜縱幸離身
畔鳥雀難堪噪耳邊看鶴不如看放鶴一聲
嘹唳碧雲天

盆魚

圓池蓄水不須寬依藻文魚自覺安待到夜
深微雨滴跳波還似躍層瀾
綠荇青萍可避陰一泓滿貯足浮沉箇中也
有相忘樂不羨滄浪萬丈深

賦得買夏欲論園

夏日憑誰買名園畧可論青山列圖畫修竹
是庭軒水枕寒生簟香醅綠滿樽泉聲鳴石
砌鳥語報松門消得三庚永渾忘九陌喧支
公應問價欲告已忘言

蘆塘放鴨

新蒲戟戟纔生綠夏水油油欲縵波幾隊看
他輕放去消閒不作右軍鷺
老鴨湖中欲去遲迴頭着意顧雛兒沙塘蘆
岸蒼茫意一幅徐熙落墨時

樂善堂全集定本 卷二十六
隱映蘆洲是鴨洲一羣唼喋逐波流勝他霜
信勞長路饑餓瀟湘夜雨秋

風車

湯時奇肱國來朝所乘車御風而飛

異物原非貴風車亦可稱輕輕隨籟動冉冉
似雲興聖德寰區普遐方瑞應徵來賓非限
遠奉朔自相仍謾說鸞凰翼何勞駮駟騰夕
轅指帝里朝軫發奇肱列子應慚捷工倅不
擅能還輸西旅貢魯壁未曾登

魚米樹

一名康洋樹出宜興其結子似米則年豐似魚則多水農家以

此占年云

春入靈根枝葉抽嘉名聞道數興州求魚緣
木須防滂聚米成林定有秋砌笑饒他能識
朔庭萱空自解忘憂那如望樹占年好歲歲
農家社鼓稠

賦得船痕半載書

春水弱無力春船行覺遲饒他乘興日是我
讀書時桂棹逍遙去芸編左右披綆長堪汲
古何用釣竿垂

彈琴峽
居庸關水流石罅聲若調琴
彈琴峽口聽彈琴清韻悠揚入聽深漫數成
連工奏曲不須鍾子始知音調高流水誰能
和響薄焦桐更耐尋却笑陶公空掛壁何如
大地是琴心

朱草

地祇格則朱草生賢人出

聖德光天壤宸修格地祇瑞呈朱草出祥應
紫雲垂戟戟抽莖密離離擢幹竒朝芳珠露
潤午秀惠風吹不數椿知歲休誇莫應時彙
征占有吉濟濟助無為

鶴跡

曲徑苔迷路幽樓鶴作隣舞階猶惜影步月
不生塵印出留深跡翻將疊軟茵松門未曾
掩幸得接嘉賓

樂善堂全集定本卷之二十七

今體詩

奉題二十四叔父裕德軒三十韻

聖治崇棠萼天心重鵠原諸藩多俊乂吾叔
 擅璵璠麟趾祥符厚宗璜介弟尊性情恒靜
 正體貌更恭溫尚友希千載成文易百言夙
 嘗勤典籍頻自惜朝昏深領書中味渾忘戶
 外喧銘辭方刻器裕德重顏軒邃爽宜涼燠
 幽閒類澗村砌堆文石面柱立老松根謂我

須題壁伊余似叩盆句羞青玉琢才愧墨花
噴每憶髫童際親承

聖祖恩漏聲傳禁切膏露自天繁辟呬依前
膝含飴共夕殮七齡叔敏達十二我愚屯近
歲

思加渥書齋業共敦文章森義府翰墨煥崇
垣緗帙循環誦瓊編次第翻數會相賞析幾
度易寒暄講學欣同幄延師更一門曉晡常
並席歲臘偶開樽聯騎趨香陌輕舟泛御園

駮驪工步驟鸞鳳必騰騫饜飫心方永從容
道自存隔窓聞鳥哢傍砌長苔痕靄靄空雲
動遲遲午日曛春風頻度處花信幾更番願
永名軒志還陳攻玉論

君思正如注砥礪待便蕃

螢

我憶去年秋飛螢幾點流忽於今夏夕熠燿
最高樓映月光無定隨風散欲稠為添詩客
興莫照旅人愁夜靜千山寂天空萬籟收蒼

卷二十一
范蘆葦岸把卷有行舟

芭蕉

幾葉紛敷翠影亭却憐幽趣伴窓櫺因君不
是塵中質笑我常來雨裏聽卉譜應添居士
傳空階常演涅槃經月明風靜相忘處正是
幽人夢蝶醒

逐涼

逐涼成獨往得意亦忘言坐久看花落心閒
識水源暑從塵外去風自靜中喧瀟灑吾何

似雲邊白鶴翻

立秋夜作

瑟瑟金風報節頻飄飄梧葉落階新不嫌白
日馳駒隙且喜輕涼上葛巾入夜漸長人未
睡裁詩有興句無塵空庭小酌龍團坐孤鶴
一聲隔綠筠

小園閒詠十五首

曲徑通幽

為隔塵氛遠應憐曲徑長紆迴山勢抱遷迤

樂善堂全集卷之二十七
竹垣藏鶴步苔痕合春歸花氣香板橋流水
外別有讀書堂

芳嶼圍棋

乘興步芳嶼逍遙任所之已看苔作席最愛
柳成帷漫煮蒙溪茗閒拋賭墅棋東山稱盛
事吟望寄遐思

桃溪步屨

山桃開也未杖策試探尋好景春來遍芳蹊
曲處深明霞千樹疊傍水一枝臨何必武陵
路隨綠物外心

竹塢春深

閒過山塢裏粉脫見新篁勁節當春綠疎竿
泛籟長蕭豎寒雨夜彷彿輞川莊不肯裁為
管無勞引鳳凰

芳港聞鶯

春色堂堂去鶯聲恰恰來緡蠻聽處澁風景
暗中催長日慵攤飯新缸喜撥醅笙簧隨分
有何必舞三臺

春湖涵碧

碧水漾平湖空明一鏡鋪
鬚眉應可鑑塵垢
杳然無點點浮青荇
雙雙下白鳧春風浴沂
水視此意何殊

石坂烹雲

敲火烏卿熾烹雲玉液清
龍團曾未點魚目
已旋生漫說腸堪潤
應知眼倍明披襟成小
啜孤鶴一聲鳴

廣廈冰壺

天伏三庚永堂開六月涼
深深屏隔暑疊疊
簟含霜底事揮紈扇
無勞問蔗漿冰壺供坐
卧樂意自相忘

鏡水荷香

半夜芙蓉雨三間水月樓
清香隨處度風景
一時收榦密妨魚躍花
深隱鷺遊詩情頻入
座不必問漁舟

月樓夕幌

雨洗塵氛靜天空花鳥閒
月樓開一面夕幌

撻千山牧笛耳邊過
征鴻眼裏還桂香依舊
發付與阿誰攀

蘭橈獨釣

秋湖魚怯餌把釣事如何
綠水一竿竹清風
幾領蓑蕪葭塵外老
星月箇中多夜靜獨歸
去清光掛女蘿

竹籬鶴步

結社松為宅看家鶴守門
偏知人客至不負
稻梁思宿月精神古
梳風毛羽繁由來好
僮僕不必貴乘軒

蘆岸秋晴

秋色知多少蘆花盡白頭
戰風搖夕浦飲露
亞寒洲生意知將謝
隨時未肯休蒼茫烟水
裏好去弄扁舟

板橋霜跡

隔溪亭子迥為架板橋通
秋老碧天白寒流
楓葉紅捲簾吟夜月
著屐步霜風愛此雙雙
跡扶筇過水東

雪逕梅姿

四時花木足最喜是園梅傲雪三冬裏因風
幾朵開清香流玉骨冷潤滴水腮獨有幽人
賞巡簷杖策來

秋日寄高安朱先生

新涼初到北窓清聞道先生體暫平漫說春
風違坐卧應教霽月仰澄明草長書帶階前
思秋老倚衣檻外情遙憶匡牀閒夢蝶懶聞
蟋蟀一聲聲

涼州詞

關外風寒水不流戍兒望月唱涼州莫道涼
州便絕塞還過萬里去防秋
黃雲漠漠連白沙秋聲到處賽聞笳落日旌
旗捲空碧隴頭莫上上思家
戍久翻忘塞上塵笑提賭具向東鄰寶刀不
敢輕輸與仗此區區報國身

破秋

破秋纔旬日滿目便秋光樓迥輕嵐入林疎

樂府詩集卷之二十七
爽籟長鏡波方淡
沲蘆岫轉蒼茫
淪茗煙生戶開
簾月上牀心如
寥廓表境是水
雲鄉敲句娛寒
夕翻書起晚涼
風清塵不雜意
適倦都忘箇裏
無人會天邊雁
幾行

荷燈

點點荷浮瑟瑟波
麗華端不讓湘娥
燈明萬朶蓮心吐
月印千潭法海多
只是金英含綽約
無須綠蓋舞婆娑
御湖錦繡憑誰織
來往輕舸一夜梭

槐市

漢羣儒會市禮樂之器於此揖讓論辨彬彬然

文物東都盛
聲名槐市場
學淵深壁水
義府儼宮墻
特達珪璋器
從容禮法場
無勞評月旦
此處定行藏

清河送平郡王西征

宗翰臨戎劍氣寒
來廷屈指覲呼韓
秋風慣拂征人面
馬上何須迴首看
溶溶碧水向東流
戎馬催程敢重留
莫把渭城新曲子
翻成水調唱涼州

武畧文韜藉指揮書齋倍覺有光輝六年此
日清河畔君作行人我獨歸

秋社

秋社今朝是秋光迥不同庭前梧葉落梁上
燕巢空村酒成新釀田禾颯晚風太平兼大
有烟火萬家中

賣菊翁

秋光未到小籬東已有街頭賣菊翁滿擔寒
芳霏玉露一簾清氣韻金風

巧數花師奪女夷四時芳信總先知深紅淺
碧渾餘事先買鷺黃第一枝

夜聽落葉聲

半榻秋寒清夢魂紙窗颯颯響聲喧渾如一
夜風兼雨童子開門葉滿園
霜後疎林葉已乾清宵風送打窗寒飄零今
夜知多少曉起憑欄仔細看

始裘

霜滿園林葉作聲薄寒風度几窗清試開舊

篋衣頻換纔着新裘體更輕冷暖由來皆有
定推遷何事重關情薰爐沉水從添未消得
三餘樂事并

賦得野徑尋梅見小春

幽谷香凝冰玉腮尋芳纔見一枝開雪封野
徑行行遠春到山村得得來最愛輕盈含數
點莫愁狼籍落成堆明窓雅助新詩興座上
曾延萼綠陪

樂括蘇子瞻後赤壁賦即用賦字

赤壁我曾識巉巖今復遊千山木落葉十月
夜登舟寥寂吾良樂風霜客不留橫江一孤
鶴不與歲時流

送桐城張先生暫假歸里

丹鳳啣書下紫廷樞陽早已望台星

新恩優渥榮旋里舊德綿長肅存馨

時以故
大學士

文端公崇祀賢良
祠於本籍北闕絲給方待掌東山絃

管暫教聽即看穩步沙堤上颺拜從容射御
屏

西廡騎射

霜林葉落雀羣空
馳射平坡試駱驄
猶憶三春陌上過
玉蹄滾滾踏香紅

萬年松

勁幹挺森森
窻前滴翠深
依然臨水石
即是山林香
氣濛春霧
華枝覆午陰
瓶梅與盆竹
聊結歲寒心

御賜端硯恭紀

靄靄午窻明
融融御苑晴

思波流浩蕩
緗案沐光榮
雅質傳端石
高標紀舊坑
一泓秋水淡
幾片碧雲清
入席添詩興
開囊粲玉英
虬龍潭欲動
藻采自然生
學海慚無楫
心田勉欲耕
研精書史裏
總是被生成

歸鴉

歸鴉集庭樹
翅影帶斜暉
傍晚羣爭宿
逢人馴不飛
遠村霜月冷
古戍稻梁稀
始信鄉園好
枯枝猶可依

十宮詞

吳宮

白苧輕盈屨響廊青龍舟裏換晨妝夜遊朝
宴千年樂那管人間有越王

楚宮

渚宮春暖翠華遙簾幙風輕裊細腰不道君
王深注意行雲行雨隔迢迢

秦宮

春鎖阿房靜管絃塵生舞袖為誰妍從來不

識君王面忽過人間卅六年

漢宮

水晶盤淨玉腰酥舞態生憐可用扶底事天
家萬乘富等閒難獲晝明珠

魏宮

平生戎馬樂何曾銅雀成時幾度登不為夜
臺聽不見悲歌一曲向西陵

晉宮

滅蜀平吳處上游大開武庫甲兵收而今四

海渾無事只駕羊車日夜遊

齊宮

步步蓮華步步春香凝羅襪不生塵何須洛浦遙相見已是人間有洛神

陳宮

結綺臨春戶對開後庭花發引金杯景陽鐘曉方酣宴不信橫江木杪來

隋宮

海錯山珍雜綺羅鑿輿空待未曾過夜深欲

識君遊處但看飛螢點點多

唐宮

沉香亭畔晚春妍玉樹煙濃院宇連何事宮娥羣戲劇應緣分得洗兒錢

帝京雜詠

九點烟中古冀州萬年天府壯宏猷商皇禮樂三千盛襟帶山河百二稠天上樓臺懸日月人間車馬富王侯太平有象光遐壤况是神都處上游

高標象魏五雲端帝座重重瑞靄攢自古幾
朝稱景運如今此地是長安文章二馬應慚
盛吏治三王未足觀總是太和薰郅理天街
十月不知寒

輻輳千家日月旁九衢風送玉塵香歡騰履
義行仁里春暖瞻雲就日坊駝背伊歌翻續
續象奴蠻曲喜洋洋六龍幸處陽和豫夾岍
平鋪軟土黃

玉竦橋頭望禁林重重樓閣聳千尋兩行烟
柳春光媚幾頃澄波綠意深池水皆成瀦澗
澤宮墻常透市朝音大家真是同民樂不異
薰風解阜心

題宋徽宗竹枝雙雀

兩兩珍禽翠羽修綠筠深處舞風流筆端多
少江南意何事終成塞北遊

題吳梅村集

梅村一卷足風流往復披尋未肯休秋水精
神香雪句西崑幽思杜陵愁裁成蜀錦應慚

麗細比春蠶好更抽寒夜短檠相對處幾多
詩興為君收

十一月十三日恭遇

皇祖忌辰感成長句

浩蕩洪慈被九州

一人常歷萬年憂絲綸允協衣裳治冠劍今
驚歲月流自隔

音容週一紀敢忘

恩澤永千秋朝來更憶攀

龍日仰首高空淚不收

橄欖茶

吹雪磁甌絕點瑕新烹異品味尤嘉山厨漫
說玫瑰露高閣初嘗橄欖茶興入盧詩風滿
腋書澆邊腹響鳴車武夷應喜添知己清苦
原來是一家

癸丑冬至

上躬祀

南郊迴鑿恭紀

星雲糾縵燦神京
玉路喧傳警蹕聲
長至履端儀告備

泰壇寅祀禮初成

龍輿喜見千祥集
象輦旋看百辟迎
最是一陽初復處
永綿多福洽

皇情

顯若誠通顯肅將
天心消息復微陽
和鸞九奏鳴韶護
奠璧三躔紀奉常
候氣羲和應告瑞
書雲太史正占祥
今朝納慶

宸衷豫

寶祚綿綿日月長

鴛鴦千官擁

六飛午門鐘響散
晴暉陽迴
御座衣裳暖
風動龍旗日月輝
靄靄上林暄
玉樹依依青瑣敞
彤扉近光兆庶瞻
香霧共道

君王迓福歸

冬至後一日同二十四叔父五弟遊西

苑試射

駿馬紫藤鞭宮城九陌連平池鋪玉鏡晴雪
晃金錢歡賞娛今日追陪憶往年東瞻

宸極近靄靄羃祥烟

輕風搖苑樹碧宇散晴光氣復初陽暖人迎
化日長綠堤看凍柳繫馬坐冰床到此同携
手臨風樂倍常

蕉園成古刹喬木隱伽藍貝葉飄花雨香雲
護寶龕隨綠遊勝地泯念禮瞿曇何用僧雛

引由來此路諳

太液無勞渡羣欣步屨行龍宮隔岼聳玉竦
跨波橫不見潛魚躍空聞寒雀鳴平田豐澤

北指日試春耕

豐澤園北有田禮於此

上演耕藉

燕角敦弓勁輕楊翠羽修中時驚月落發處
迅星流更步三梁闌因登百尺樓淑清遲勝
約聊待再來遊

瀛臺東北有淑清苑是日偶未到

迎熏亭子畔山勢鬱峻嶒松柏開三徑岡陵
列幾層石龕穿洞入雲竇捫蘿登蠟屐肩輿

樂善堂全集定本 卷二十一
勝都翰蓮社朋

乘興到瀛臺詩情入目來水心飛棟宇人世
入蓬萊雪覆孤桐直風吹虛閣開舊時聽講
席亦復滿塵埃

煙光凝遠岫晚景向西斜舊熟神仙境重遊
山水嘉風聲送歸騎月影照棲鴉漫憶十年
事心清一碗茶

樂善堂全集定本卷之二十八

今體詩

題唐代畫頁

峨嵋鋪雲

春入岡巒暖欲烘翠雲鋪岫淡冥濛寺臨峰
頂嵐煙護閣跨川梁霧氣通疑有玉喬乘碧
落那無列子御清風海塵任起石山下長對
方壺弱水東

秋澗鳴泉

樂善堂全集卷之二十八
卷二十八
滴滴復淙淙飛泉挂玉峯聽時秋韻肅望處
翠煙濃丹改寒楓葉黃添細草茸披圖饒逸
興擬欲策孤筇

瀟湘煙雨

瑟瑟瀟湘煙雨秋憑將妙筆寫風流蒼茫雲
水望無極佳句都輸趙倚樓

湖山春曉

我愛湖山好春來景倍嘉和風吹淡蕩遲日
飄穠華柳岸清垂縷桃谿錦疊霞新針抽嫩
稻碧葉暗踈麻峯黛疑靈鷲波光是若耶輕
舟浮水面芳徑引山家渲染毫添潤游觀興
自賒何須蠟雙屐小閣坐烹茶

山雨欲來

南峯北峯雲布千樹萬樹風生獨凭危樓望
遠忽然簷滴琴鳴

遠浦歸帆

天未見扁舟頃刻來前浦塔院晚鐘聲客船
一夜雨

浮嵐暖翠

宿雨含朝潤浮嵐望處深溶溶流碧水暮暮
暗踈林萬壑輕風度重溪暖霧沉高低煙翠
裏終日愜登臨

煙浮遠岫

水閣臨波結構奇秋澄千頃碧琉璃何人閒
倚危欄望正是煙浮遠岫時

漁莊雪霽

把釣寒江雪送歸瓊瑤埋徑認依稀空遠

色迷前墅積素遙岑對野扉此日定知魚不
餌三天乍見鳥孤飛晚來簑笠簷頭掛隱隱
村江澹落暉

夜坐

月滿窻櫺風滿簾地爐銀燭暖帷幃更因靜
坐聽逾永詩到寒吟興屢添梅插幾枝供繡
佛香熏一炷閱楞嚴於今識得清涼樂向火
何曾為附炎

水雲榭

雲無心出岫水不舍長流雲水相連處蒼茫
數點鷗

坐席生烟雲石欄俯秋水空明是我心何如
漆園史

讀王安石傳

保馬青苗次第行累朝成法忽新更難將知
已酬神廟都為違人用惠卿當日司權原作
福昔年辭召豈真清試看安石居然出不道
蒼生轉徇生

幻景四詠

鏡馬

雨夜風晨夢裏驚青驄去後只聞聲嘶殘落
月溶溶色響動深閨脉脉情丹鳳城頭還獨
宿初連河畔鎮孤征將軍功與雲臺並幾見
臨風血汗生

鏡花

箇裏春和分外長不隨代謝鎮分芳香塵如
霧何曾著綵蝶成羣那覺忙階畔日暄同借

暖檐間風度共飄香
仙家若把壺中種
詎向人間見阮郎

水月

一顆明珠鏡裏涵
水輪孤影印千潭
妙圓俱足真無碍
形色難求最好參
風動波紋光似燭
水含雲影碧於藍
池邊掬起還憑手
歸路須盛無底籃

蟬猴

久竹青寧生不休
阿誰妙慧製獼猴
蛻身粧

出看新巧薄質生
時憶去秋深館三更
人共舞江陵千里客
同愁萬年松綠磁
盆淨時綴高枝最上頭

冬夜憶平郡王

暖閣熏爐刻漏移
閒情萬里憶相知
高齋趣永三餘樂
絕塞風寒列戍悲
約計凱旋應指日
欲緘書寄更無期
難堪剪燭清吟夜
念到寒更毳幙時

冬夜食哈密瓜

等書堂全集定本 卷二十八
異域稱奇品中宵潤客腸霜刀剖翠質冰齒
嚼黃瓤清解心頭渴甘生舌本香東陵無此
種包貢自西方無賦續其遺

龍翰傳先生蒙

恩簡署司寇詩以賀之

一紙宣麻特進班虞廷弼教典秋官平情早
識懸冰鑑糾惡仍然領勇冠階秩頻膺八座
貴
絲綸榮錫五雲端從知刑措襄

王化台斗星明傍日看

遊蕉園

冰牀聲裏過長湖遠岸人行似畫圖雪覆蕉
園松突兀雲生古殿路虛無南臨太液風鈴
語北望瓊華塔影孤屐齒幾番遊歷處寒林
已聽噪歸鳥

賦得自鋤明月種梅花

溪畔梅花欲放遲數株分種傍塔墀
月和香動手握寒根帶影移花信漫愁催落

等善堂全集定本 卷二十八
畫盡楹初有照來枝何須秉燭尋幽趣舉首
冰蟾未墮時

與唐岱

唐善畫山水

范緩倪迂自古人而今繪事數唐寅安排邱
壑渾無迹盤礴丹青別有神遠塢人家煙淡
淡野橋流水石粼粼買山不用閒尋訪倩爾
拈毫眼界新

百衲琴

汧公精物理百衲製名琴見說風流極悠然
山水心桐孫勞細綴焦尾漫相尋指上宮商
辨誰知絃外音

題易祖杖墨竹卷

翠掃琳瑯繞曲池東坡妙筆寫幽姿一聲清
籟露華濕萬箇寒梢月影披想像笙簧吹颯
沓依微烟靄辨參差香篝銀燭消長夜恍似
瀟湘晤對時

雪事八咏

東郭履雪

散履雪中行
皚皚滿地平
無須憐玉趾
真是踏瑤京
晃朗花紋綻
蹁躚鶴步輕
等閒藍縷客
東郭獨傳名

蘇卿嚙雪

寂寞窮荒北
飄飄凍雪凝
饑腸寒可供
浩氣餒何曾
聊共羶毛嚙
從知苦節勝
少卿難共喻
心事冷如冰

袁安卧雪

雪深門巷迥
僵卧有餘清
不作干人想
何煩

除道迎漫空
飛浙瀝撲戶
轉輕盈素履
幽人吉千秋
仰令名

謝庭咏雪

謝家誇寶樹
咏雪一庭同
獨許閨中秀
渾如林下風
無心裁綺句
有意惜飄蓬
何幸三春柳
能兼造化功

王恭涉雪

朝罷催歸騎
天街微雪連
喜看三白瑞
低覆九衢煙
緩度高輿穩
輕披鶴氅翩
窺籬人落

魄驚許是神仙

孫康映雪

積雪夜談經寒光映滿庭雲鋪難逐月冬破
乏囊螢豈為憐飛白聊資照汗青朗然消萬
慮眉目覺清冷

陶穀烹雪

削玉更鑲珠寒烹清味殊天香沁肺腑冷色
上眉鬚玉食何須羨山厨且自娛羊羔千斛
醉漫愧党家奴

程門立雪

洛學先生啟巍然道德崇雪深雙戶外樂永
一庭中久立情靡倦端居興不窮伊人非耐
冷應為坐春風

題董元山釣園

山徑忽窮處潺潺野水流憑誰添畧釣引我
度荒邱澗草深藏鷺巖藤細舞蚪幾株枯木
冷一片白波秋掛壁延清曠橫溪足卧遊愛
耽風景別不必問孤舟

樂善堂全集定本 卷二十八
題鄒一桂花卉十二幅

杏

春雨胭脂洗嫩華
幾枝濃疊赤城霞
雙鸞恒在雲深處
不遣飛瓊到阮家

梨

比桃清絕比梅妍
風送媽香戶牖傳
寂寞雲鬟不堪整
惱人天氣暮春天

芍藥

繁紅艷紫殿春餘
第一揚州種色殊
逞盡風

流還自恨被人強
喚是花奴

紫藤

紫藤花繞蒼松樹
嫩蕊垂垂麗幾多
一夜西風吹白露
還輸老幹耐消磨

葵

金盤向日如承露
憐爾傾心為阿誰
午靜花殘風影直
將開又是最南枝

碧桃

薄殼輕綃麗午風
畫堂人靜暮春融
重門難

把芳心縮獨露一枝深院東

醉醺

羞與羣芳爭冶艷每於幽處見丰姿但教香
色尋常在莫恨人間知不知

虞美人

一曲虞兮愴別神徘徊猶憶楚江濱那知愛
玉憐香者不是當年姓項人

山丹

爛斑瓣纈黃金點錯落花擎赤玉盤砌畔落

殘供上藥旁人漫作女兒看

石竹

也向人前稱此君一叢翠帶襯紅雲但教色
媚時人眼漫說檀藥獨出羣

牽牛

脆蔓芳葩繞竹生錦裳披就下瑶京莫耽佳
麗人間樂河畔盈盈最有情

菊花

看到東籬覺有神風流畫史更詩人素華獨

殿羣芳後箇裏原藏萬卉春

甲寅元日立春

青陽韶運會三寅節應王正景倍新萬彙欣

沾元旦雪是日瑞雪百年喜遇歲朝春昭融氣協

鴻鈞德浩蕩

天開大造仁獻歲椒觴還獻壽永綿福履祝

君親

雪消

皓素漫空映綺寮春回大地凍全消光凝玉

樹寒深淺水潤蘭階影動搖梅已過時添蘓

蕊柳將應節放新條朝來最喜霑濡足指日

芳畦透麥苗

春曉

綠野朝煙斂春生料峭寒披衣間獨步曉日

正三竿興逐東風去心隨大地寬桃花開也

未聊復倚欄看

上林花氣

戶外春光到幾分嫩紅新綠間繽紛清浮玉

露瓊葩潤芳透珠簾沉水焚散彩偏承晴旭
照飄香多為惠風薰錦叢繡徑經行處蛺蝶
驚飛已半醺

清明前三日

御試命和唐人韻口占應

制

千紅萬紫正紛紛暗引尋芳蛺蝶魂欲識太
平真氣象五風十雨杏花村

榆莢雨

紫房鑄出沈郎錢庭院霏霏散暖天最愛一
朝榆莢雨買成十里柳絲煙

春雲

淡蕩凝佳氣氤氳散遠天點空晴旭漏出谷
晚霞穿來隴將翻雨花街正冪烟天衣誰為
織高映九霄鮮

題唐公做古十二幀

翠滴螺峯絕點埃幾間板屋面波開為穿曲
徑通幽處惹得遊人杖策來

蕭寺高臨雲壑秋一聲清磬萬緣收却教健
筆圖清勝好與詩人作卧遊

閣跨明波映水紅開窓不斷芰荷風巨然一
幅風流意都入雲煙淡抹中

飛流瀑水瀉銀餅散作平湖漾碧冷最愛高
樓臨樹杪好山濃入四時青

米家家法有誰傳渲染烟嵐逼老顛最是披
圖堆濕潤江南五月熟梅天

桃蹊柳徑行行遠水郭山村處處幽日暮高

齋讀書罷一篙新綠泛澄流

宗泐吳興斂法奇千巒萬壑正秋時雲間高
閣依微辨為愛擎空松柏枝

板橋幾曲接迴塘烟樹迷濛晚影蒼款乃一
聲人卧月不知身在水雲鄉

翠含眉字列遙岑亭子臨波暮靄沈淡墨天
然饒氣韻由來逸品數雲林

兩岸猿聲一葉舟客窓鐘醒夢魂留叢君圖
寫生絹裏朵朵芙蓉天際浮

七尺青竿五尺綸春波鏡面色鋪銀一聲長
嘯滄浪濶不羨當年釣渭人
胸中邱壑三冬瘦手底瓊瑤六月寒大地忽
教成一色凌兢擬踏馬蹄看

甲寅三月

上耕藉迴鑿迎駕恭紀

昭蘇景物正勾芒千畝

躬耕典制詳禹甸三春榮草木周官六禮煥
旂常均平何用郊人禱豐稔遙占太史祥最

是

聖情勤保赤歡騰父老列成行

御苑親推步玉田青旂搖曳引祥煙

九重雲擁千官仗萬卉春和三月天樂奏迴

鑾鳴鳳管禮成

帝藉紀瑤編前期時雨霏微灑早卜寰瀛大

有年

淡蕩和風霽景開天閑十二駕龍媒香街幾
里花如霧繡陌千塍車似雷華宇共霑

恩澤普

御園羣仰

聖人來迎

鑿踊躍葵忱切獨愧凌雲獻賦才

讀董仲舒傳

不問蒼生問鬼神猶蒙宣室席前親誰知寂寞江都相老抱春秋一遠臣

同五弟舟過萬壽寺小憩

桂檉輕移過水村午風吹送給孤園繫舟鴈

侶同登岸迎客山僧遠出門古殿燈明佛日照齋厨火熟野蔬溫絲楊十里連歸路弄影寒鴉語更喧

御園從耕恭紀六韻

上苑土泉滋

躬耕膏壤肥禮因加

帝藉心是念民依水暖流塍細光融向午暉省耕塵

聖慮終畝沐

樂善堂文集

卷二十八

今體詩

十六

思輝種布珠塵墜犁翻玉屑飛農勞誠可念
豐稔願無違

積書巖

河北層山巖有石室室中若有積卷故名見水經注

杳杳層巖裏依稀卷軸重瑤編餘鳥跡石室
有雲封何異金泥密空懷玉檢踪草青書帶
細苔碧篆題濃靈籙誰能識神仙或可逢洞
天多秘藏躡履欲相從

蜂衙

百忙忙裏過三春曉色催衙欲放晨釀蜜應

教輸玉府添丁何事按魚鱗花間戶牖重重
邃門外風光日日新採得瓊葩無限喜更看
歸仗簇前陳

賦得沙留鳥篆斜

好鳥離芳樹春晴下錦沙繁音奏絲管古篆
印龍蛇紛錯蒼苔偃縱橫綠字斜蹄迹誰為
辨新漲莫教遮

轆轤聲

涿水漲平湖春田轉轆轤耳根鳴斷續眼界

樂露濡漫厭繁音急從觀生意蘇機心緣力
稼不與漠陰殊

蟬始鳴

濃陰一帶暗溪煙曳響新蟬噪午天曾記昨
年嫌聒耳今朝初聽轉生憐
綠林高處弄微聲似話寒暄最有情向晚臨
風吸清露枯枝遺蛻認前生

春園幾日罷流鶯又聽新蟬嘒嘒鳴誰道耳
根難擺脫請君聽取噪前聲

